

Svar

heilbrigðisráðherra við fyrirspurn frá Tómasi A. Tómassyni um fjárveitingar í baráttu gegn tilteknum sjúkdómum.

Fyrirspurnin hljóðar svo:

Hve miklu fé hefur verið varið úr ríkissjóði á ári hverju síðastliðin tíu ár til að berjast gegn:

- hjartasjúkdómum,*
- krabbameini,*
- sykursýki,*
- geðheilbrigðissjúkdómum,*
- fiknisjúkdómum?*

Árlegum fjárveitingum ríkissjóðs er skipt eftir málaflokkum í fjárveitingar til ríkisaðila og verkefna og í varasjóði málaflokka, nánar sundurgreint eftir hagrænni skiptingu. Fjárveitingum er hins vegar ekki skipt upp eftir einstökum sjúkdómum eða sjúkdómaflokkum eins og í fyrirspurn þingmannsins. Bókhald ríkisins er heldur ekki sett upp samkvæmt ofangreindum liðum og í mörgum tilvikum væri það ómögulegt.

Í fyrirspurninni eru nefndir þeir sjúkdómaflokkar sem eru með helstu heilbrigðisáskorunum hérlendis og því má ætla að stór hluti þeirra fjárveitinga sem árlega er ráðstafað til heilbrigðisþjónustu séu nýttir í baráttu við þá, á öllum stigum heilbrigðisþjónustunnar sem og í gegnum lýðheilsuverkefni.